



21. januar 2026

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Naalakkersuisut qanoq nalilerpaat, Ilulissani imarpik qulaallugu mittarfiup inuussutissanik nutaanik pissarsinissamut periarfissat pitsannguuteqassanersut Avannaata Kommuniani aamma Kommune Qeqertalimmi, tassani pineqarlutik paarnat naatitalu?**
- 2. Ilulissani imarpik qulaallugu mittarfimmiit angallassassat ingerlateqqinneqarnissaannut periarfissat suuppat, tassani pineqarlutik nioqqutissiassat nutaat avammut tuniniarneqarneri, mittarfik ammarpat?**
- 3. Angallannermut aqutsisoqarfiup suut piumasaqaatigai upalungaarsimanermut, tassani pineqarlutik imermik pilersuineq ikuallattunillu qamisaneq, Ilulissani imarpik qulaallugu mittarfissap ammarneqarsinnaaneranut ingerlassinnaaneranullu nunanut tamalaanut mittarfittut?**
- 4. Ilulissani imarpik qulaallugu mittarfimmi akitsuuteqanngitsunut pisiniarfimmik pilersitsinissamut Naalakkersuisut sunik eqqarsaasersuuteqarsimappat?**
- 5. Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Naalakkersuisunut ilaasortaq Justus Hansen, Demokraatit)

Tunngavilersuut

Nunatta avannaani attaveqaasersuutit ineriartornerannut Ilulissani imarpik qulaallugu mittarfissaq alloriaataavoq pingaarutilik aammalu inuussutissarsiornermut, pilersuinerup suliffissaqartitsinermullu annertusaataasussatut alloriaataasussatut ilimagineqarluni. Taamaattumik pingaaruteqarpoq paasissallugu, qanoq ililluni mittarfik avammut niuernermut iluaqutaasinnaanersoq, soorlu tassani pineqarlutik inuussutissat nutaat angallanneri, aammalu inuussutissanik nutaanik pilersuinerup pitsanngorsarneqarnera Avannaata Kommunianut aammalu Kommune Qeqertalimmut. Uani pingaartumik ukiuunera eqqarsaatigaara.

Tassungalu ilutigalugu pissusissamisoorpoq piumasaqaatit paasissallugit, upalungaarsimanermut tunngasut aammalu ingerlatsinermut nunat tamalaat akornanni mittarfittut ammarnissaanut, taakkua pilersaarusiornermut aammalu aningaasaqarnermut pingaaruteqartuummata.



Naggataatigullu akitsuuteqanngitsunut pisiniarfimmut apeqqu pingaaruteqarpoq suliffissanut, sullissinermut neqeroorutaasinnaasunut aammalu mittarfik tamaat isigalugu ineriartuutaasinnaasunut. Taamaattumik taakkununga tunngasunut Naalakkersuisut pilersaarutaasa paasinissaat pingaaruteqarpoq piffinni nunallu immikkoortortaani ineriartortitsinissamut.

Apeqquuteqaatima ullut suliffiusut qulit iluanni akineqarnissaat qilanaaraara.